

Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,
Stoicæ, Christianæ, & Spiritualis**

Nieremberg, Juan Eusebio

Paderbornæ, 1711

Decas IV.

[urn:nbn:de:hbz:466:1-50306](#)

ut ad paucas horas retineat vitam, non solum patitur ferro & igni sibi membra lanari, sed & mercedem pendit lanianti. Et tu, quid gratiae refers non sœvientibus in te, sed auxiliantibus, ut æternum vivas?

30. Dum præsentem, & amicum Deum habes, nihil est, quod te anxium tristeme que efficiat. Ubi ille abest, id est, offensus à te abscesserit, infernum incolis, si vel mundi deliciis innates, aut in ipsum cœlum dominatu polleas.

DECAS IV.

31. Pati aut torqueri cum Deo summa felicitas est ; felicitari absque illo maxima calamitas. Satius est, sustineas crucem, quam humeris tuis imposuit, quam ut eam excutias oneris impatiens. Ille aderit in societatem laboris, vel demum auferet omnino.

32. Si pati renuis, quietem fugis. Molestia quam Deus immittit, ad virtutem obex non est, sed incitamentum. Manifestè deciperis, dum arbitraris indè te à Sanctimonia impediri, per quod ipse Santos Sanctorum te invitat ad eam consequendam.

33, In-

33. Incassum te Creatori opposueris:
fortior te est, succumbes. Neque succusse-
ris caput obtendendo illud; potuisse te a-
liter haberri, aliâ viâ ad virtutem induci.
Novit ille abunde, quid è re tua sit, quid
ad gloriam tuam faciat; gnarus per fœ-
dissimas rerum imagines purificare ani-
mam.

34. Si tribulatio animum presserit, fate-
rete ultra meritum felicitari. Gratiæ sunt
à Deo immissæ, ab ignaris pœnarum no-
mine vitiatae. Scito autem in te cœlum
nunquam esse beneficentius, quàm cùm
te cumulat adversis. Pro his semper gra-
tus esto, ac certus, Deum nulli aut inju-
riam irrogare posse, aut nocere.

35. Crimina sexcentis aculeis horrida
sunt; quid mirum si mentem lacerent, &
mille saucient vulneribus? Remove cau-
sam, & cum patientia sustine effectum.
Adora æquitatem Numinis exercentis te,
& spera opem miserantis.

36. Si animus exarescit, atque boni
sensi quasi abjectus à Deo privaris, macte
tamen animo, & vel in tristi ista orbitate
ad arbitrium ejus totum te finge. Humili-

lis resignatio tua janua erit, & via, quâ ocyus ad te redditurus est, novâque lætitia aridam mentem perfusurus. Noli dejici, si interdum ab animi conspectu subducit se Numen: expedit te vilescere tibi, atque isthic tangi, ubi tenerior est sensus amantis

37. Id genus orbitalis non semper criminum nostrorum supplicium est. sed experimentum virtutis, patientiam fidemque nostram explorante Deo. Ubi mare à ventis quiescit, remorum agitatione opus est. Qui non cedit adversis, cœlestem cursum vel obliuetando promovet.

38. Deflenda equidem crimina sunt quod summè displiceant Deo: at veniae, & salutis spes nunquam abjicienda. Erigat te illius misericordia, & non dejiciat te tua miseria. Etiam Judas admissum scelus doluisse scribitur, sed spe destitutus periisse.

39. Antequam scelus committas, Spiritus Divinus exaggerat mali speciem pingitque colore turpissimo; at ubi admissum est nefas, facilitando veniam, extenuat culpam. Contra Veterator Genius, prius quam cadas, imminuit malum, fingitque exiguum

exiguum; at mox ubi crimen admiseris, in immensum auget, ut vel desperatâ veniâ scelestiùs vivas, vel perosus conscientiæ stimulus in omnem vitæ licentiam te projicias.

40. Dolor immodicus ab occulta quandoque superbia ortum ducit: & quemadmodum hujusc pœnitentiæ radix est mala, itá fructus nequeunt esse boni. Nascuntur enim de nimia sui præfidentia, quæ cùm seipsâ mala sit, non potest non dama na plurima procreare. Agnosce calamitates tuas! agnosce & misericordiam Divinam! plùs ista poterit ad salutem tuam, quàm illa ad interitum.

DECAS V.

41. Qui Deo supplex sibi petit ignosci, voluptatem ei facit, nè dicam, gratiam, honorémque. Dignè de ejus bonitate sentias, & absque metu accedas ad thronum gratiæ. Injuriam ei facimus, cùm ex inge nio nostro metimur. Non illi peccatus fel lis, & vindictæ plenum: longè alienus est ab humano more: parcit sotibus, veniam ipse offert, & instabilitate nostra non fatigatur. Non affingamus ei ingenium

H

aliud: